



Impacto psicológico di Natalee Holloway

Dimitri Halley, psicologo

Mester worde nota cu nos ta kere cu no tin suficiente evidencia basa riba hechonan pa yega na cualke conclusion relaciona cu e naturaleza di e caso di e desaparicion di N.H. Por cierto, esaki no ta e proposito inicia pa nos centro di studio di e soñonan caminda N.H. ta aparece. Un di e objetivonan di e proyecto di

soño tabata pa inventariza y bini cu un contesta pa e impacto di ful e aconteci-mentonan relaciona cu e desaparicion di N.H. Banda di e miedo grandi pa e impacto riba e turismo nos mester para keto tambe y studia e impacto psicológico cu e fenomeno aki tin riba nos hendenan. Banda di recibi soñonan caminda e



mucha muher ta aparece, ami como psicologo local ta recibiendo personanan cu ta buscando ayudo pa cu e "N.H.-fenomeno".

Notando e manera cu e medionan di comunicacion y e gobierno a responde, esaki ta cu un interes hopi

grandi, ful e situacion aki a haci un impacto hopi profundo riba e hendenan di Aruba y di exterior. Por lo general nos a mira con por ehempel mamanan di yiu- nan muhe pero tambe otro muhernan a proyecta nan mes den e historia aki y na nivel mas profundo a tuma e lugar di otro den e pesadiya aki. Den e soñonan di un famia e yiu muher a haya e papel (rol) di N. y e miem- bronan di famia inconscien- temente ta rebiba e pesadiya personalmente.

Den otro instantenan e miedonan di pasado ta worde silenciosamente inyecta den e situacion y rebiba asina hibando e per- sona na ansianan y miedo increible y stress. Sintoma fisico a worde somatiza manera nan tabata N. den un

situacion di trauma fisico. Esakinan a worde multiple biaha raporta. Den otro caso- nan miedo extremo y frigidez bao muhe jong a worde raporta. Personanan ta evita cana na cierto lugar- nan caminda antes nan taba- ta frecuente hopi. Pero tambe na e nivel di relacio- nan Arubano-Americano nos ta topa cu un presion basta grandi. Un cierto cantidad di empatia di parti di e hende- nan local ta sano y normal, pero aki nos ta topa cu un empatia cu ta yegando nivel- nan un poco peligroso di un identificacion proyecta Poniendo bo mes demasiado den e sapatonan di N. y su mama por bira peligroso, en especial si e ta tuma lugar inconscientemente.

Ora un mucha muher perdi ta bira prioridad number un di un pais; un isla chiquito totalmente dependiente di turismo ta worde confronta cu rumornan di un boycott internacional di su turismo; FBI ta tuma e riendanan over di un investigacion di un mucha muher perdi, nos por wel y bisa cu podiser un ansha (ansiedad) innecesario por a worde inyecta den e poblacion local. Ta impor- tante pa tene cuenta semper cu e impacto psicológico riba e pueblo di con nos ta anda cu asuntonan di tal indole.

E imagen submergiendo di tur esaki ta un condicion di un ansiedad colectivo, di un manera of otro nunca antes bisto riba e isla aki.